

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-238-4/23**

Datum: **27.06.2022. god**

«Agencija za vodno područje rijeke Save» Sarajevo rješavajući po zahtjevu Škrebo (Began) Ibrahima iz Brijesnice Male, Doboj Istok za donošenje rješenja o vodnoj dozvoli za ispuštanje tehnoloških otpadnih voda sa lokaliteta objekta samouslužne autopraonice izgrađenog u sklopu postojećeg kompleksa benzinske pumpe sa pratećim sadržajima «ŠKREBO» d.o.o. Doboj Istok u naselju Brijesnica Mala, općina Doboj Istok, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

1. Odbija se zahtjev Škrebo (Began) Ibrahima iz Brijesnice Male, Doboj Istok za donošenje rješenja o vodnoj dozvoli za ispuštanje tehnoloških otpadnih voda sa lokaliteta objekta samouslužne autopraonice izgrađenog u sklopu postojećeg kompleksa benzinske pumpe sa pratećim sadržajima «ŠKREBO» d.o.o. Doboj Istok na zemljištu označenom kao k.č. broj: 2080/6 K.O. Brijesnica Mala u naselju Brijesnica Mala, općina Doboj Istok s obzirom da za predmetnu aktivnost, shodno odredbama člana 18. stav (1) tačka 2. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), nije propisana obaveza pribavljanja vodnih akata.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Vlasnik, odnosno korisnik objekta autopraonice je obavezan uz ranije propisani uslov iz tačke 3. Rješenja o vodnoj dozvoli broj UP-I/25-3-40-351-4/19 izdatog dana 07.10.2019. godine koji se odnosi na obavezu plaćanja posebnih vodnih naknada za objekat benzinske pumpe, dužan obuhvatiti i objekat autopraonice i za oba objekta (benzinska pumpa i autopraonica) voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 13. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovim Rješenjem, korisnik zaštitnih vodnih objekata nije odgovoran za nastale štete.
5. Ovo Rješenje se može izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Škrebo (Began) Ibrahim iz Brijesnice Male, Doboj Istok podnio je Agenciji dana 08.06.2023. godine zahtjev za izdavanje vodne dozvole za ispuštanje tehnoloških otpadnih voda sa lokaliteta objekta samouslužne autopraonice izgrađenog u sklopu postojećeg kompleksa benzinske pumpe sa pratećim

sadržajima «ŠKREBO» d.o.o. Doboj Istok na zemljištu označenom kao k.č. broj: 2080/6 K.O. Brijesnica Mala u naselju Brijesnica Mala, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerena kopija lične karte podnosioca zahtjeva - Škrebo Ibrahim,
- Punomoć zastupnika podnosioca zahtjeva,
- Kopija Rješenja o vodnoj saglasnosti broj: UP-I/25-2-40-018-2/21 izdatog dana 26.01.2021. godine od strane «Agencije za vodno područje rijeke Save» Sarajevo,
- Kopija Rješenja o odobrenju gradnje broj: UP-I-05-19-598/20 izdatog dana 14.04.2021. godine od strane Općinske službe za prostorno uređenje, Općina Doboj Istok,
- Ovjerena kopija Zapisnika o vršenju tehničkog pregleda izvedenih radova sačinjen dana 16.05.2023. godine od strane komisije imenovane Rješenjem broj: UP-I-05-19-739/23 izdatog dana 15.02.2023. godine od strane Općinske službe za prostorno uređenje, Općina Doboj Istok,
- Kopija Rješenja o vodnoj dozvoli broj: UP-I/25-3-40-351-4/19 izdatog dana 07.10.2019. godine od strane «Agencije za vodno područje rijeke Save» Sarajevo (izdato za objekat benzinske pumpe «ŠKREBO» d.o.o. Doboj Istok),
- Glavni projekat vanjskih hidroinstalacija-samouslužna autopraonica na parceli označenoj kao k.č. broj: 2080/6 K.O. Brijesnica Mala, općina Doboj Istok urađen od strane IBIS d.o.o. Zavidovići (broj: 73-IB-G/20, decembar 2020. godine) – na uvid,
- Glavni projekat samouslužne autopraonice vl Škrebo (Began) Ibrahim u Brijesnici Maloj, općina Doboj Istok urađen od strane «Institut za sigurnost i okoliš» d.o.o. Tuzla (broj: 194-P/20, novembar 2020. godine) – na uvid,
- Kopija Ugovora broj: 587-01/21 o čišćenju separatora i zbrinjavanju opasnog otpada zaključenog dana 25.06.2021. godine između «ŠKREBO» d.o.o. Doboj Istok i «KEMEKO-BH» d.o.o. Lukavac,
- Kopija transportnog lista broj: 310-04/23 o čišćenju separatora izvršenog 14.03.2023. godine,
- Kopija Ugovora zaključenog dana 26.06.2023. godine između Škrebo (Began) Ibrahima i «ŠKREBO» d.o.o. Doboj Istok o ustupanju separatora ulja i masti za prečišćavanje otpadnih voda nastalih pranjem vozila,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog objekta samouslužne autopraonice u naselju Brijesnica Mala, općina Doboj Istok i tom prilikom je sačinjen Zapisnik o uviđaju broj: UP-1/21-3-40-238-3/23 od 22.06.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni objekat samouslužne autopraonice za pranje vozila sa 3 boksa (2 natkrivena + jedan otvoreni) izgrađen je u sklopu kompleksa benzinske pumpe sa pratećim sadržajima «ŠKREBO» d.o.o. Doboj Istok (vlasnik Škrebo Ibrahim) koji je lociran uz magistralnu saobraćajnicu Doboj-Tuzla u naselju Brijesnica Mala, općina Doboj Istok.
- Snabdijevanje vodom za potrebe pranja vozila je obezbijeđeno putem priključka na vodovodni sistem benzinske pumpe «ŠKREBO» d.o.o. Doboj Istok, tj mjesni vodovodni sistem «Luke» kojim upravlja «FRUIT METAL» d.o.o. Doboj Istok.
- Tehnološke otpadne vode koje nastaju u procesu pranja vozila i održavanjem radnih površina se prikupljaju zasebnim sistemom linijskih taložnih rešetki i kanalizacione mreže i odvođe na tretman u separator ulja i masti koji je izgrađen u sklopu objekta benzinske pumpe za koji je od strane ove Agencije dana 07.10.2019. godine izdato Rješenje o vodnoj dozvoli broj: UP-I/25-3-40-351-4/19. Preliv iz separatora je u mjesnu kanalizaciju a potom u rijeku Spreču.
- Podnosilac zahtjeva ima zaključen Ugovor sa «ŠKREBO» d.o.o. Doboj Istok o ustupanju/korištenju separatora ulja i masti za prečišćavanje otpadnih voda nastalih pranjem vozila.

Iz razloga naprijed navedenih, u skladu sa članom 139. stav (1) Zakona o vodama («Službene novine Federacije BiH», broj 70/06) a u vezi sa članom 18. stav (1) tačka 2. Pravilnika o sadržaju, obliku,

uslovima, načinu izdavanja i čuvanja vodnih akata i članom 200. stav (1) Zakona o upravnom postupku riješeno je kao u dispozitivu Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-238-2/23 od 19.06.2023. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje vodnih akata


Maris Anšehović, dipl.ing.građ.

Dostaviti:

- Škrebo (Began) Ibrahim
- Brijesnica Mala bb, 74260 Doboj Istok
- 4- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava